



FYLKESMANNEN
I ROGALAND

Dykkar ref.:

Vår dato: 13.12.2012
Vår ref.: 2012/11295
Arkivnr.: 433.0

Terjer Hidle

4173 NORD-HIDLE

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 56 88 11
E: postmottak@fmro.no

www.fylkesmannen.no/rogaland

Løyve til utsetting av utanlandske treslag til juletreproduksjon

På visse vilkår får du med dette løyve til utplanting av normannaedelgran på fleire areal, til saman 45 daa på Nord-Hidle i Finnøy. Løyvet gjeld i 15 år til juletreproduksjon.

Syner til søknad, mottatt 14.11.2012. Du søker om løyve til planting av utanlandske tre til juletreproduksjon på Nord-Hidle, Finnøy kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål* (25.05.2012 nr 460), jf naturmangfaldlova kap. IV.

Søknaden

Du søker om utplanting av til saman 28 000 normannaedelgran (*Abies normanniana*) på til saman 45 da i løpet av ein 10-årsperiode. Arealet er nytta til same produksjon og med same art i dag. Vedlagt søknaden er eit kart som syner dei aktuelle areala noko uklårt, men etter det vi kan sjå er det til saman 7 delareal som er aktuelle til juletreproduksjon. Det er uklårt kva delareal 20B er, men vi går ut frå at det tilsvarar behovet for tilplanting i 2013. Søknaden gjev ikkje opplysningar om utsettingsområdet i søknadsskjema punkt 10-19, men utfylling her er frivillig.

Fylkesmannen si vurdering

Føremålet med forskrifta er å hindre at planting av utanlandske treslag ikkje gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8-12.

§ 8 sett krav om at vedtak bygger på kjend kunnskap. Normannedelgran er ikkje vurdert av Artsdatabanken som ein art med kjend risiko for naturleg spreiding eller følgereffekter i norsk natur (Norsk svarteliste 2012). Det er ikkje verna område i randsona til utplantingsområdet, og vi har ikkje registreringar av truga naturtypar eller artar i nærområdet som kan bli negativt påverka av tilplantinga. Plantefelta legg beslag på ein del areal, men i desse områda er det allereie planta til med framande treslag.

Ut frå føre-var-prinsippet (§9) er det likevel viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverking av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket legg beslag på eller er vesentleg trugsmål mot stadeigne naturkvalitetar.

§11 adresserar ansvaret for eventuelle skadar på naturmiljøet til tiltakshavaren. Kostnadar ved å bøta på eventuelle skadar eller førebygge skader skal dekkast av tiltakshavar, så langt dei er innafør rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultat (§12). Vi har ikkje spesielle merknadar til dette i denne saka.

Vi kan ikkje sjå at planting av normannaedelgran i dette høvet vil vere til vesentleg skade for naturmangfaldet. Dei aktuelle areala er allereie beslaglagt og arten er ikkje vurdert på svartelista. Det er likevel viktig å sikre seg mot eventuell frøsetting.

Søknadsskjema punkt 21 er noko mangelfull utfyllt. Det er viktig å dokumentere rutinar for å hindre spreining og kven som har ansvar for å sikre hogst før frøsetting. Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til utsetting av normannaedelgran (*Abies normanniana*) på til saman 45 daa innafør 7 innteikna raude område, avmerka på vedlagt kart til søknaden. Områda er avgrensa til Nord-Hidle i Finnøy kommune. Løyvet gjeld fleire utplantingar i ein periode på 15 år.

Det blir sett som vilkår at alle trær som er omfatta av dette løyvet skal fellast innan 15 år. Eigaren av areala er ansvarleg for felling. Vilkåra for dette løyvet skal gjerast kjend for ny eigar ved eit eventuelt eigarskifte.

Med helsing

Per Kristian Austbø
ass. fylkesmiljøvernsljef

Anders T. Braa
viltforvalter

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Anders T. Braa
Saksbehandlar telefon: 51 56 89 14
E-post: anders.braa@fmro.no